



ТАТВАРЫН ЕРӨНХИЙ ГАЗРЫН
ДАРГЫН ТУШААЛ

___ оны __ сарын __ өдөр

Дугаар ___

Улаанбаатар хот

Журам, маягт, шийдвэрийн хуудасны
загвар батлах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4, Татварын ерөнхий хуулийн 77 дугаар зүйлийн 77.7.3, Аж ахуйн нэгжийн орлогын албан татварын тухай хуулийн 29 дүгээр зүйлийн 29.4, Хувь хүний орлогын албан татварын тухай хуулийн 15 дугаар зүйлийн 15.8 дахь хэсгийг тус тус үндэслэн ТУШААХ нь:

1. “Татварын хялбаршуулсан горим ашиглах татвар төлөгчийн хүсэлтийг бүртгэх, шийдвэрлэх, бүртгэлээс хасах журам”-ыг 1 дүгээр, “Татварын хялбаршуулсан горим ашиглах татвар төлөгчийн хүсэлт”-ийн маягтыг 2 дугаар, “Татварын хялбаршуулсан горим ашиглах татвар төлөгчөөр бүртгэх шийдвэрийн хуудас”-ыг 3 дугаар, “Татварын хялбаршуулсан горимын бүртгэлээс хасах шийдвэрийн хуудас”-ыг 4 дүгээр хавсралтаар тус тус баталсугай.

2. Батлагдсан маягт, хавсралтыг цахим татварын системд нэвтрүүлэх ажлыг зохион байгуулж, журмын хэрэгжилтийг хангаж ажиллахыг Татвар төлөгчтэй харилцах газар /Д.Цогзолмаа/, Мэдээллийн технологи, статистикийн төв /Х.Батбаяр/-д тус тус даалгасугай.

3. Энэхүү тушаалын хэрэгжилтэд хяналт тавьж ажиллахыг Төрийн захиргааны удирдлагын газар /Л.Нэргүй/-т үүрэг болгосугай.

ДАРГЫН АЛБАН ҮҮРГИЙГ ТҮР
ОРЛОН ГҮЙЦЭТГЭГЧ БӨГӨӨД
ДЭД ДАРГА

Б.ЗАЯАБАЛ

ТАТВАРЫН ХЯЛБАРШУУЛСАН ГОРИМ АШИГЛАХ ТАТВАР ТӨЛӨГЧИЙН ХҮСЭЛТИЙГ БҮРТГЭХ, ШИЙДВЭРЛЭХ, БҮРТГЭЛЭЭС ХАСАХ ЖУРАМ

Нэг.Нийтлэг үндэслэл

1.1.Энэ журмын зорилго нь татварын алба, татвар төлөгч Татварын ерөнхий хуулийн 11 дүгээр зүйлд заасан татварын хялбаршуулсан горим /цаашид “хялбаршуулсан горим”/-ыг ашиглах үйл ажиллагааг зохицуулахад оршино.

1.2. Аж ахуйн нэгжийн орлогын албан татварын тухай хуулийн 29 дүгээр зүйл, Хувь хүний орлогын албан татварын тухай хуулийн 15 дугаар зүйлийн 15.6 дахь хэсэгт заасан хялбаршуулсан горим ашиглах татвар төлөгчийн хүсэлтийг бүртгэх, шийдвэрлэх, бүртгэлээс хасахтай холбогдсон харилцааг энэ журмаар зохицуулна

1.3.Хялбаршуулсан горим ашиглах татвар төлөгч нь Татварын ерөнхий хуулийн 11 дүгээр зүйлийн 11.2-т заасны дагуу татварын бүртгэл, мэдээллийн нэгдсэн сан /цаашид “ТБМНС” гэх/-д холбогдсон байна.

1.4.Татварын ерөнхий хуулийн 11 дүгээр зүйлийн 11.3-т заасны дагуу хялбаршуулсан горимыг зөвхөн татварын жилээр тооцох бөгөөд Аж ахуйн нэгжийн орлогын албан татварын тухай хуулийн 29.6, 29.7-д зааснаас бусад тохиолдолд тухайн татварын жилийн дундуур уг горимоос шилжихийг хориглоно.

Хоёр. Татварын хялбаршуулсан горим ашиглах татвар төлөгчийн хүсэлтийг бүртгэх, шийдвэрлэх

2.1.Татвар төлөгч хялбаршуулсан горим ашиглах хүсэлтийг Аж ахуйн нэгжийн орлогын албан татварын тухай хуулийн 29 дүгээр зүйлийн 29.1-д зааснаар тухайн татварын жилийн 3 дугаар улиралд, хувь хүн тухайн татварын жилд багтаан “Татварын хялбаршуулсан горим ашиглах хүсэлт”-ийн маягтаар харьяалах татварын албанд хүргүүлнэ.

2.2.Татварын алба нь энэ журмын 2.1-д заасан хүсэлтийг бүртгэхдээ ажлын 10 хоногт багтаан дараах шаардлага хангасан эсэхийг хянана:

2.1.1.Аж ахуйн нэгжийн орлогын албан татварын тухай хуулийн 29 дүгээр зүйлийн 29.1, Хувь хүний орлогын албан татварын тухай хуулийн 15 дугаар зүйлийн 15.6-д заасан өмнөх жилийн тайлангаар баталгаажсан борлуулалтын нийт орлогын хэмжээ 50.0 сая төгрөгөөс бага;

2.1.2.Аж ахуйн нэгжийн орлогын албан татварын тухай хуулийн 29 дүгээр зүйлийн 29.3.2-т зааснаас бусад үйл ажиллагаа эрхэлдэг;

2.1.3.Аж ахуйн нэгжийн орлогын албан татварын тухай хуулийн 29 дүгээр зүйлийн 29.3.1, Хувь хүний орлогын албан татварын тухай хуулийн 15 дугаар зүйлийн 15.7-д заасан нэмэгдсэн өртгийн албан татвар суутган төлөгчөөр бүртгэгдээгүй;

2.1.4.энэ журмын 1.3-т заасны дагуу бүртгэгдсэн.

2.3.Энэ журмын 2.2-т заасан шаардлагыг хангасан тохиолдолд татвар төлөгчийн харьяалах татварын албаны татвар төлөгчтэй харилцах нэгж шийдвэрлэж тухайн татвар төлөгчид мэдэгдэнэ.

2.4.Татварын алба хялбаршуулсан горим ашиглах татвар төлөгчийн хүсэлтийг шийдвэрлэсэн тохиолдолд дараах үйл ажиллагааг хэрэгжүүлнэ:

2.4.1.татвар төлөгчийн хүсэлтийг бүртгэж, шийдвэрлэсэн тохиолдолд нэгдсэн дугаараар ТБМНС-д бүртгэнэ;

2.4.2.“Татварын хялбаршуулсан горим ашиглах татвар төлөгчөөр бүртгэх шийдвэрийн хуудас”-ыг баталгаажуулна;

2.4.3.татвар төлөгчийн гэрчилгээнд “ХГ” хялбаршуулсан горим гэсэн тэмдэглэгээ хийх;

2.4.4.ТБМНС-д татвар төлөгчийн тухайн татварын төрлийн бүртгэлд хялбаршуулсан горимыг бүртгэх.

2.5.Татвар төлөгч нь дараа оны 01 дүгээр сарын 01-ний өдрөөс эхлэн татварын хялбаршуулсан горим ашиглана.

2.6.Татварын алба татвар төлөгчийн хүсэлтийг хянаж, энэ журмын 2.2-т заасан хуульд заасан шаардлага хангаагүй бол энэ тухай татвар төлөгчид мэдэгдэнэ.

Гурав.Татварын хялбаршуулсан горимоос хасах

3.1.Хялбаршуулсан горим ашиглаж байгаа татвар төлөгч дараах нөхцөл үүссэн тохиолдолд хялбаршуулсан горимоос хасагдах хүсэлтээ харьяалах татварын албанд цахимаар ирүүлнэ:

3.1.1.Аж ахуйн нэгжийн орлогын албан татварын тухай хуулийн 29 дүгээр зүйлийн 29.3.2-т заасан үйл ажиллагаа эрхэлж эхэлсэн өдрөөс;

3.1.2.Нэмэгдсэн өртгийн албан албан татварын тухай хуульд заасан нөхцөл, шаардлагын дагуу нэмэгдсэн өртгийн албан татварын суутган төлөгч болсон өдрөөс;

3.1.3.татвар төлөгч өөрөө хүсэлт гаргасан.

3.2.Энэ журмын 3.1.1, 3.1.2-т заасан хүсэлтээ ирүүлээгүй тохиолдолд татварын алба нь тухайн татвар төлөгчийг хялбаршуулсан горимоос хасна.

3.3.Хялбаршуулсан горимоос хасагдах татвар төлөгчийн хүсэлтийг татварын алба хүлээн авч, ажлын 10 өдрийн дотор шийдвэрлэж, татвар төлөгчид мэдэгдэнэ.

3.4.Энэ журмын 3.1.3-т заасны дагуу хүсэлт гаргасан бол татвар төлөгч нь дараагийн татварын жилийн 01 дүгээр сарын 01-ний өдрөөс эхлэн хялбаршуулсан горимоос хасагдана.

3.5.Хялбаршуулсан горимоос хасагдах татвар төлөгчийн хүсэлтийг харьяалах татварын албаны татвар төлөгчтэй харилцах нэгжийн татварын улсын /ахлах/ байцаагч хянаж, “Татварын хялбаршуулсан горимын бүртгэлээс хасах шийдвэрийн хуудас”-ыг баталгаажуулан ТБМНС-д бүртгэнэ.



Монголын Татварын Алба

Маягт

ТАТВАРЫН ХЯЛБАРШУУЛСАН ГОРИМ АШИГЛАХ ХҮСЭЛТ

Татвар төлөгчийн нэр: _____
Ургийн овог /иргэний хувьд/: _____
Эцэг (эх)-ийн нэр /иргэний хувьд/: _____
Нэр /иргэний хувьд/: _____
Регистрийн дугаар: _____
Татварын төлөгчийн дугаар: _____
Харьяалах татварын алба: _____
Хаяг байршил: _____

Эрхэлж буй үйл ажиллагаа: _____
Үйл ажиллагаа явуулах хаяг: _____

Татвар төлөгч _____ –ний татварын хялбаршуулсан горим ашиглах
хүсэлтийг хүлээн авч шийдвэрлэнэ үү.

Хавсаргасан баримт: _____

Хүсэлт гаргасан: / /
Гарын үсэг, тэмдэг нэр огноо





Монголын Татварын Алба

Маягт

ТАТВАРЫН ХЯЛБАРШУУЛСАН ГОРИМ АШИГЛАХ ТАТВАР ТӨЛӨГЧӨӨР БҮРТГЭХ ШИЙДВЭРИЙН ХУУДАС

Дугаар ...

Татвар төлөгчийн:

Нэр:

Регистрийн дугаар:

Татварын төлөгчийн дугаар:

Харьяалах татварын алба:

□□□□□□□□
□□□□□□□□
□□ _____

Татварын хялбаршуулсан горим ашиглах татвар төлөгчөөр бүртгүүлэх:

Хүсэлт ирүүлсэн огноо:

Хүсэлтийн дугаар:

Шийдвэр гаргасан татварын алба:

Шийдвэрийн огноо:

Хялбаршуулсан горимоор тайлан гаргаж эхлэх
хугацаа:

□□□□□□□□
□□□□□□□□

□□□□□□□□
□□□□□□□□

Хянан баталгаажуулсан:

татварын улсын (ахлах) байцаагч:

..... //
Гарын үсэг нэр





Монголын Татварын Алба

Маягт

ТАТВАРЫН ХЯЛБАРШУУЛСАН ГОРИМЫН БҮРТГЭЛЭЭС ХАСАХ ШИЙДВЭРИЙН ХУУДАС

Дугаар ...

Татвар төлөгчийн:

Нэр:

Регистрийн дугаар:

Татварын төлөгчийн дугаар:

Харьяалах татварын алба:

Хялбаршуулсан горимд бүртгэгдсэн огноо:

□□□□□□□□
□□□□□□□□
□□ _____
□□□□□□□□

Татварын хялбаршуулсан горимын бүртгэлээс хасах:

Шалтгаан, үндэслэл:

Шийдвэр гаргасан татварын алба:

Шийдвэрийн огноо:

Хялбаршуулсан горимоор тайлан гаргах сүүлийн
хугацаа:

□□□□□□□□
□□□□□□□□

Хянан баталгаажуулсан:

татварын улсын (ахлах) байцаагч:

..... / /
Гарын үсэг нэр

